

آبونه سرائطی

ممالك عثمانیه ده سنه لکی (۶۵)، آلتی
ایللی (۳۵) غروشدور .
ممالك اجنبیه ده سنه لکی (۱۷)، آلتی
ایللی (۹) فرانقندر .

اداره خانه

باب عالی جاده سنده دائره مخصوصه

اخطارات

آبونه بدلی پیشیندر .

§

مسلكه موافق آثار مع الممنونیه قبول
اولنور . درج ابدلین یازیلر اعاده
اولونماز .

الاستیک

اخطارات

رساله مزدن آندینگی کوسترلک شرطیه
بتون یازیلر هر هانکی برغزته طرفندن
اقتباس اولونه بیلیر .

§

مکتوبلرک، امضالری واضح و اوناقوللی
اولسی و آبونه صره نومروسی محتوی
بولونمسی لازمندر .

§

ممالك اجنبیه ایچون آبونه اولانلرک
آدرسارینک فرانسزجه ده یازلسی رجا
اولنور .

§

یاره کوندرلدیکی زمان نه یه دائر اولدیغینک
واضحاً بیلدیلمسی رجا اولنور .

دینی ، فلسفی ، علمی ، ادبی هفته لک مجموعه اسلامیه در .

صاحب و مدیر مسئول

باش محرر

محمد طاکف

والله یهدی من یشاء الی صراط مستقیم

اشرف ادیب

اتبعون اهدکم سبیل الرشاد

جلد ۱۳

۱۱ کانون اول ۱۳۳۰

نخشبته

۶ صفر ۱۳۳۳

عدد ۳۱۹

نشریه نشریه

بسم الله الرحمن الرحيم

« وَالَّذِينَ يَحْتَبُونَ كِبَارَ الْأَثَمِ وَالْفَوَاحِشِ وَإِذَا مَا غَضِبُوا هُمْ يَغْفِرُونَ . وَالَّذِينَ اسْتَجَابُوا لِرَبِّهِمْ وَأَقَامُوا الصَّلَاةَ وَأَمْرُهُمْ شُورَى بَيْنِهِمْ وَمِمَّا رَزَقْنَاهُمْ يُنفِقُونَ . وَالَّذِينَ إِذَا أَصَابَهُم الْبَغْيُ هُمْ يَنْتَصِرُونَ . [۱] »

مال نظم حکیم

« قلبلری انوار توحید و اطمینان توکل ایله مشحون اولان مؤمن قوللرم او فضیلت و عبودیت اربابیدرلرک : معاصی و ردائلاک کبار و صفارندن بنایت اجتناب ایدرلر ، حسب البشریه یکدیگرینه کوچنسه لر درحال حدت و انفعال لرینی یکدره ک باریشیرلر ، بربرلرینک آغوش عفو و صفحنه آتیلیرلر ، اصلاح و اصطلاح ذات الین اونلر ایچین اذواق و ایمان و اخوتک اک برنجیلرنددر . اونلر ، او رثبه بالاترین عبودیت اصحابیدرلرک : خالقلری نامنه معالی افعال و محاسن اعماله دعوت اولونجه بویوک برتسلیمیت ، برتسلیمیت مطلقه ایله او آنده اجابت ایدرلر . هله جماعتله نمازلرینه مداومتده بویوک بر اعتنا و اهتمام

[۱] بو نظم حکیم ازلی (سوره جلیله شوری) دن منتخب اوج آیت کریمه در . هر اوجی ده کندیلرندن اول شرف مورود دیگر آیته مربوط بولونملری جهتله اونک زبور صحیفه تکریم ایدیلهسی لازم ایدیهده رساله مزک جمعی مساعد اولدیغندن معطوف علیه آیته ترجمهده اشارتله اکتفا اولوندی .

کوستریرلر . حیات دینی و اجتماعی لرینه متعلق مهم امورلری استبداددن ، تحکم و تجبردن منزله اولاراق مشاوره و مذاکره ایله تحت قراره آلیرلر . برده کندیلرینه افضال و احسان ایلدیکمز رزقندن فقرا و ضعفایه انفاق و ابدال ایدرلر . اونلر ، او شجیع و قهرمانلردرک : محیط جمعیتلرینک بر طرفه بر دشمن ، بغی و تجاوز ایدنجه درحال هپسی بردن یاردمه ، اعدالردن انتقام آلمغه قوشارلر .

شو اوج آیت جلیله سابقین اولین اولان مهاجرین و انصار (رضی الله عن آخرهم) حضراتنک ستایشلری حقنده عنایت بخش نزول اولماقله سیدیه بر خصوصیت وار . مع مافیه اعتبار : سبیک خصوصیتند دکل ، انظم کریمک عمومیتنددر . بناء علیه بو فضائل و مزایای اسلامیه و انسانییه حائز اولان هر مؤمن کامل بو ستایش قرآنینک عمومیتند داخل اولماق سعادت عظماسنه نائل در .

جناب قرآن حکیم مؤسسین بنیان توحید اولان سابقین اسلام حضراتنی بو آیات جلیله ستایشله لاحقین ایمانه نمونه فضیلت و علویت اولاراق کوسترییور : « ایشته مزده بویله حقیقی و روحی مؤمن ، مؤمن کامل اولیکز ، اولماغه چالیشیکز ! » بویوریور .

بو آیات جلیله یه امان نظر ایدیلنجه کورولورک : مومن و معتقدلرینی برنجی درجهده مساوی اخلاق و دنیات افعالدن منع و تحذیر ایدیور . مدنیت اسلامیه نامنه بر هیئت اجتماعی انسانیتهک اساسی صارصاجاق فخالقلری ، اخوت دینی و اجتماعی یی دوچار انحلال ایدمک مبالغه لری ، معاداتلری ، هجرانلری کوسترییور .

ثانیاً : محاسن اعمال و معالی افعاله ریاسز ، صاف ، نزه بر وجدان و ایمان ایله مبادرته ، جمعیتک روح اجتماع و اتحادی اولان

توقیفه مقتدر اولدوقلری ادعای مجنونانه سبله قورولان نانکورفرانسییه قارشى نقاب قهر وجلالنى رفع ایتش ، غضب ولعنت بیلدیریلری یاغدیریور . عبادینک فوقنده ناصل بر قاهر مطلق اولدوغنى بو آرزیناره کوستریور .

قورقالیم اخوان دین ! جناب حقت بر خروشان طوفان قهر وانتقامندن قورقالیم . امرینه ، امر اکبر جهادینه مللزله ، جائزله قوشالم . بوکون شو اوج بووک دشمن دینک موجودیتلری اوزرینه دوشن ایشته اوطوفان قهر وجلالک برصاعقه خاتان سوزیدر . بز فرمان جلالته قارشى لاقید قالیرساق او ، بزى ده برصاعقه قهريله یوق ایدر . ودین حقنى اهلیله یاشاتیر . حلم الهی شاقیه کلز . بونی سوءاستعمالده حدلرینی فرسخ فرسخ تجاوز ایدن ازغین لرك ایشته هول انکیز عاقبتلری ! (انیشا یدهبکم ایها الذین ویأت باخرین وکان الله علی ذلک قدیراً . = اکر الله ایسترسه سزى بر آنده اذهاب وافتا ایدر ، ای انسانلر ! ویریکزه باشقه لرینی کتیریر . بیلمش اولیکزکه الله ، بوافنا واعدايه ، بواجباد واحیایه قادردر . »

محمد فخرالدین

حدیث شریف

حدیث شریف

عن ابن عباس رضی الله عنهما قال سمعت رسول الله صلى الله عليه وسلم يقول عینان لاتمسهما النار عین بکت من خشية الله وعین بات تحرس فی سبیل الله .

مآل شریف

ابن عباس رضی الله عنهما ک شویله دیدیکی روایت اولونیور : رسول الله صلى الله عليه وسلمدن ایشیتدم ، بووریوردی که : ایکی کوزه جهنم آتشی طوقونماز . بری خشية اللهدن طولای آغلایان ، دیکری الله یولنده بکجیلک ابدن کوز . حدیث شریفک راویسی ترمذیدر . ابویعلی ایله طبرانی ده بومألده بر حدیث شریفی انس بن مالک رضی الله عنهما روایت ایدیورلر .

حدیث شریف

رباط بوم وليلة خبر من صیام شهر وقیامه وان مات فيه جرى علیه عمله الذی کان یعمل واجرى علیه رزقه وامن من الفتن .

مآل شریف

برکون برکیجه مرابط قالمق (یعنی اعداء دینه قارشى حدود بکجیلکینی ایتک) برآی صائم وقائم اولمندن خبرلیدر . بری مرابط ایکن اولورسه یایدینی (خیرلی) عملک ثوابی (قیامته قدر کندیسنه

نمازه اوصانماز ، بیقماز بر شوق واهتمام ایله مسارعته ، فقرا وضعفایه رحیمانه ، مشفقانه بذل کرم وسخایه تشویق وترغیب ایدیور .

ثالثاً : بوعلوی وروحی اساسات دینه واجتماعیه اوزرینه معنی اولان حریت واستقلال ملی تک محافظه سی ایچین شجاعت وشهامت کبی مزایای قهرمانی به مالکیتی کمال اهمیتله توصیه ایدیور . دیورکه : بالعموم مسلمانلر بوتون شمول معناسیله بر وجود ، بر روح ، بر فکر ، براملدر . دیورکه : مسلمانلر ، غیر انسانی ، غیر اجتماعی ، غیر مدنی بوتون مساوی اخلاق وافعالدن منزهدر . دیورکه : مسلمانلر کافه مکارم اخلاق ومحاسن افعال واعمالک علوی بر مجموعه فضائل وفواضیلدر . دیورکه : مسلمانلر جمعیت ومیلترینی ، وطنلرینی ، حریت واستقلاللرینی مدافعه ومحافظه امرنده هربری بر شجاعت مجسمه ، بر شهامت ذی حیاتدر ؛ وجود جمعیتلرینک ؛ - ولواک کوچک - بر عضویتنه بر تجاوز وقوعنده درحال هپسی بردن دشمنلری اوزرینه ارسلانلر کبی صالديروب قهارانه انتقاملرینی آلیرلر ، ذلت اسارت ومسکنته دینلرینی ، وطنلرینی ، استقلاللرینی دشمن ایاغی آلتنده کورمکدن صووک نفرلرینه قدر ثولمه کی ، بلاتردد ، ترجیح ایدرلر .

مسلمانلر ، تجزی وانقسام قبول ایتمز بر وجود توحید واتحاد اولدوغنه کوره ایشته بو هول انکیز کونده دین وقرآنمک اک عقور ، اک چیلغین ، اک مہین دشمنلری قلنجلرینی اومقدس وجودک باشنه ، خلافت جلیله محمدیه (علیه الصلاة والسلام) حواله ایتدیلر . بوقلیجلره قارشى سپرلک وظیفه سنی ایضا ایدجک ، بوقانلی جلاد آلترینی لوندره نک ، پارسک ، پترسبورغک قضالری اوزرنده پارچه لایحاق آنجاق او وجودک قوتلی لاریدر . بر انسان ، باشنی اللریله مدافعه یه چالیشیر دکلر ؛ او ، باش کیدرسه بوتون وجودی روح اولاراق خاک مذلته سریلیر . ایشته رأس خلافتک اللری ریوزنده کی بوتون اهل ایماندر .

بنی وتجاوز خلافت مقدسه اسلامیه اولونجه مال وجان ایله انتصار وانتقام آلماق وظیفه سی بلا استثنا عموماً اهل اسلامه عائددر . اوجیوزسنه در روسلرک ، فرانسلرک ، انگلزلرک ، چین معصوم اسلامیه سوردوکلری ایکنج اسارت ومذلت لسلرلی ، نهایت بوقهار انتقام الهی کونده ینه کندی قانلریله تمیزلیه جکلر . اوج عصردر کسوب دوعهادقلری ملیونلرجه مسلمانلرک معصوم قانلرینی کندی قانلریله ثوده یه جکلر . اولو تکرری (جل شانہ) ازلی وارلغی ، بنهایه قدرت وعظمتنی شو حرب عمومی ایله منکرلرینه قارشى بر داهای کوستریور . « انار بکم الاعلی ... » دین فوعونی تنظیر وتقلیده چالیشان موسقوف چارلغنه ، ذات پاک احدیتنه قارشى اعلان حرب ایچون بابل قوله سنی کوکله یوکسلتمک چالیشان نمروک نسجه ثانیه سی بریتانیا حکمدارلغنه ، کوکله یرلره دوشسه سونکولریله